

SAOPĆENJE ZA MEDIJE SA ODRŽANE JAVNE DEBATE „U SUSRET OLIMPIJSKIM I PARAOLIMPIJSKIM IGRAMA U LONDONU“

Centar za kulturu dijaloga je, u ponedjeljak 21.05.2012. godine u Hotelu „Grand“ u Sarajevu, pod pokroviteljstvom Vlade Velike Britanije, organizirao Javnu debatu „U susret Olimpijskim i Paraolimpijskim igrama u Londonu“.

Ambasador Velike Britanije Njegova Ekselencija gospodin Nigel Casey je tijekom pozdravnog obraćanja ukazao na ozbiljnost olimpijskih i paraolimpijskih igara, mirovni aspekt igara kao i na važnost ovakvih debata za bh. društvo. Tokom svoga govora je istakao prijateljske veze između Sarajeva i Londona, ne samo kao olimpijskih gradova već i kao gradova koji su kroz povijest uvijek imali dobru suradnju.

Prisutnima su se obratili i:

- N.J.E. gospodin Angel Aleksandrov Angelov, ambasador Republike Bugarske u BiH
- Gospođa Monika Biela, zamjenica ambasadora Slovačke republike u BiH
- Gospodin Sotirios Demestichas, zamjenik ambasadora Grčke u BiH
- Gospođa Liljana Milojević-Borovčanin, zamjenica ambasadora Republike Srbije u BiH
- Gospođa Nadija Bandić, pomoćnica federalnog ministra obrazovanja i nauke
- Gospodin Milenko Tošić, predstavnik Ministarstva ljudskih prava i izbjeglica BiH

Na debati su prisustvovali i gosti iz:

- Kantonalnog ministarstva kulture i sporta Kantona Sarajevo – gospodin Ivica Šarić, ministar
- Ministarstva za ljudska prava i izbjeglice – gospođa Ivanka Taraba
- Paraolimpijskog komiteta BiH – gospodin Mustafa Demir
- Grada Sarajeva – gospodin Ramiz Kadić
- Saveza paraplegičara i oboljelih od dječje paralize FBiH – gospođa Elvira Bešlija
- Saveza paraplegičara i oboljelih od dječje paralize FBiH – gospodin Dževad Pandžić
- Saveza paraplegičara i oboljelih od dječje paralize FBiH – gospođa Dženita Klico
- Udruženja paraplegičara Kantona Sarajevo – gospođa Zula Selimović
- NVO-a UHO Ruhame – gospođa Hatidža Rudić
- Centra za profesionalnu zdravstvenu/palijativnu njegu – gospodin Salem Rudić
- Centra za profesionalnu zdravstvenu/palijativnu njegu – gospođa Nizama Alefendić

Pismenu potporu debati su dali:

- Ambasada Crne Gore – ambasador Dragan Đurović
- Ambasada Japana – ambasador Hideo Yamazaki
- Ambasada Republike Slovenije – ambasador Andrej Graselli
- Ambasada Švicarske Konfederacije – ambasador Andre Schaller
- Ambasada Sjedinjenih Američkih Država – ambasador Patrick s. Moon
- Federalno ministarstvo kulture i sporta – ministar Salmir Kaplan
- Federalno ministarstvo zdravstva – ministar Rusmir Mesihović
- Ministarstvo porodice, omladine i sporta Republike Srpske – ministrica Nada Tešanović
- Badminton savez BiH
- NVO Glas Žene
- OŠ Musa Ćazim Ćatić

Tijekom Javne debate debatanti iz Brčkog su predstavili svoje istraživanje teze **“Paraolimpijske igre – jednake šanse za sve ili patnja”** navodeći i pozitivne i negativne aspekte Paraolimpijskih igara, ističući važnost edukacije stanovništva i omogućavanja jednakih šansi za uspjeh svim građanima. Cijeneći značaj olimpijskih igara, sve mirovne aspekte koje igre nose sa sobom mladi debatanti iz Brčkog, kao i studentice iz Sarajeva, Istočnog Sarajeva i Brčkog, koje su bile suci tijekom Debate, u duhu mira i tolerancije prezentirali su argumente za i protiv olimpijskih i paraolimpijskih igara, govoreći isključivo o slabostima i propustima koje treba usavršiti.

Prisutni građani su tokom diskusije istakli važnost organiziranja ovakvih događaja kako bi bh. društvo bilo senzibilizirano za prava i potrebe invalidnih osoba. Debatanti su prisustvovali i predstavnici udruženja invalidnih osoba koji su uputili apel bh. javnosti da ih se promatra kao zdrave osobe sa određenim fizičkim ograničenjima, ali nikako nesposobnima.

Na debati su učestvovala 264 srednjoškolca, osnovnoškolca, studenta kao i profesori škola, pedagozi, NVO sektor i udruženja koja se bave sportom.

Najvredniji aspekt debate jeste aktivno učešće svih prisutnih gostiju koji su razmijenili znanje, iskustvo ali i osnovne stavove o temi. Veliku čast debati ukazali su predstavnici:

- Paraolimpijskog komiteta BiH
- Saveza paraplegičara i oboljelih od dječje paralize FBiH
- Udruženja paraplegičara Kantona Sarajevo

koji su osnažili mlade ljude da javno govore o svim problemima sa kojima se suočavaju sportaši koji učestvuju u paraolimpijskim sportovima.

Na kraju Debate izražene su i nade da će naši bh. paraolimpijci biti kao i uvijek do sada najbolji bh. ambasadori. Uz gromoglasan aplauz za bh. paraolimpijce zaključen je ovaj veliki bh. skup.

Nakon održane Javne debate i diskusije, predstavnici Ambasade Velike Britanije su uputili iskrene čestitke debatantima koji su prezentirali argumente i najuspješnijima dodijelili diplome.

Tim koji je pobijedio u debati je:

Tim afirmacije u sastavu: Isidora Vuković, Stefan Gavrilović, Aleksandar Nedić – Gimnazija „Vaso Pelagić“ Brčko

Najbolji debatant je: Aleksandar Nedić – Gimnazija „Vaso Pelagić“ Brčko



